

SCRIPT OF EVENING GOJRI NEWS BULLETIN 12APRIL 2025

1700HRS

اوننگ گوجری نیوز بولینٹن 12 اپریل 2025

یوہ آکاشوانی جموں ہے نصرت تے تارق ابرار تیں خبر سُنو۔

HEADLINES

۱۔ وزیر اعظم ۹۱ اپریل نانہہ ادھمپور سرینگر بارہ مولہ ریل رابطہ غا آکری مکمل ہوا حصہ غو افتتاح کریں غا۔ استقبال غی تیاریں چل رہی ہیں۔

۲۔ جموں کشمیر مانہہ دہشت گرد حملوں غے بشکار بھارتی فوج تے جموں کشمیر پولیس نے دہشت گردان غا خاتمہ توڑی انسداد دہشت گردی کارروائی جاری رکھن غا عزم گو اعدو کیو ہے۔

۳۔ بھارتی فوج نے اکھنور سیکٹر مانہہ قبضہ لکیر ور دراندازی گی کوشش ناکام بنادتو ہے دراندازان سنگ جھڑپ مانہہ ایک جے سی او شہید ہوگیو لیفٹیننٹ گورنر منوج سنہا نے جے سی او غی شہادت ور خراج عقیدت پیش کیو ہے۔

۴۔ جنگلات و ماحولیات غا وزیر جاوید احمد رانان نے اج جموں غا ریک اپارک مانہہ جدید سہولیات تیں آراستہ اکو ویسٹا میوزیم گو افتتاح کیو۔

USBRL INAGURATION

وزیر اعظم نریندر مودی ۹۱ اپریل نانہہ ادھمپور سرینگر بارہ مولہ ریل رابطہ غا آکری مکمل ہوا حصہ غو افتتاح کریں غا۔ جس تیں بعد جموں تیں سرینگر توڑی پہلی واری براہ راست ریل رابطو ممکن ہو جے غو یوہ مکمل ۲۷۲ کلو میٹر غو سفر دچوار گزار ہمالیاتی علاقوں تیں گزرے تے اس مانہہ دنیا گو سب تیں اونچو چناب پُل تے بھارت گو پہلو کیبل ریل پُل آنجی گھڑ شامل ہے۔ یوہ منصوبو بھارت غی انجنئرنگ مہارت غی ایک شاندار مثال ہے۔ تقریب تیں پہلا حفاظت غا سخت انتظام کیا گیا ہیں۔ خاص طور چناب پُل تے اہم ٹریک حسان ور لانیو سی سی ٹی وی تیں نگرانی کی جارہی ہے تے معزز مہمانان تے عوام گا استقبال غی تیاریں چل رہی ہیں۔ آکاشوانی غا خبران آلا شعبہ سنگ گل کرتا وان ایک مقامی شہری نے اپنا خیالات گو اظہار کرتا وان اس طرح کہیو۔

ONGOING OPERATIONS

جاری کارروائی تے جموں کشمیر مانہہ دہشت گرد حملوں غے بشکار بھارتی فوج تے جموں کشمیر پولیس نے دہشت گردان غا خاتمہ توڑی انسداد دہشت گردی کارروائی جاری رکھن غا عزم گو اعدو کیو ہے۔ اج ایک مشترکہ پریس کانفرنس تیں خطاب کرتا وان کشتواڑ دوڈہ رامبن رینج غا ڈی آئی جی شریدر پٹل تے سیکٹر ۵ آسام رائیفل غا اکمنڈر برگینڈیر جے بی ایس راٹھی نے کہیو کہ یاه کارروائی اس وقت توڑی جاری رہ غی جد توڑی دہشت گردان غو خاتمو نہیں ہوتو۔ اس موقع ور بولتاں وان ڈی آئی جی شری دھراپٹل نے اس طرح کہیو۔ حالیہ کارروائی مانہہ حفاظتی دستاں نے کشتواڑ غا علاقہ چھاترو مانہہ ترے دہشت گردان مانہہ ہلاک کیو ہے۔ ۲ نانہہ اج تے ۱ نانہہ گزشتہ روز مار مکایو گیو تھو۔ فوج جموں کشمیر پولیس تے سی آر پی ایف غا مشترکہ آپریشن غو آغاز ۹ اپریل نانہہ ہوو تھو جس دوران یاه کامیابی حاصل ہوئی ہے۔

INFILTRATION BID

بھارتی فوج نے گزشتہ رات قبضہ غے نال لگتا اکھنور گا کیری بٹھل علاقہ ماں بھاری ہتھیاران سنگ لیس دہشتگردان کی اک ٹولی کی دراندازی کی کوشش ناں ناکام بنادتو فوج نے کہیوجے فوجی دستاں نے اک چشمہ گے کول مشتبہ نقل وحرکت گو پتو لانیو تے دراندازاں نانہہ للکاریو جس کا نتیجہ ماں گولی باری گو تبادلہ ہوو۔اس ٹاکرہ غے دوران اک جوننیر کمشنر آفیسر کلڈیپ چند نے عظیم شہادت دتی۔ بھارتی فوج کی وائٹ ٹائٹ کاپس نے بہادر کلڈیپ چند ناں خراج عقیدت پیش کیو۔ علاقہ ناں گھیرہ ماں لے گے تلاشی مہم شروع کردتی گئی ہے۔یوہ واقعیو بھارت پاکستان گے بشکار برگیڈیر سبج کی فلیگ میٹنگ تیں دو دن بعد پیش آیو ہے۔

RAJOURI DAY

راجوری تہاڑہ تقریبات گا سلسلہ مانہہ ضلع انتظامیہ نے سپورٹس اسٹیڈیم کپواڑہ مانہہ اک عظیم میلہ گو اہتمام کیو گیو۔ جس گو افتتاح ڈی سی راجوری ابھی شیک شرما نے ایس ایس پی راجوری تے دوجا عہدیداراں کی موجودگی ماں کیو۔ مرکزی معاونت آلی سکیمیاں بارے لوکاں ناں جانکاری دین واسطے بکھ بکھ سرکاری محکماں نے میلہ ماں بیداری سٹال وی لایا تھا۔ قابل ذکر ہے جے ۳۱ اپریل ۸۴۹۱ ناں راجوری ناں ۶ مہیناں بعد پاکستانی فوج گا قبضہ تیں بعد آزاد کرایو گیو تھو۔ راجوری تہاڑہ تقریبات گا سلسلہ مانہہ ڈی سی ابھیشیک شرما نے سماج غا تمام طبقات کی مجموعی کوششاں کی تعریف کی۔اس موقعہ ور بولتا واں ڈی سی راجوری ابھیشیک شرما نے اس طرح کہیو۔

RANA ECO VISTA MUSEUM

ماحولیات تے ورثہ غا تحفظ غی جانب تیں ایک اہمقدم چاتا واں جنگلات و ماحولیات غا وزیر جاوید احمد راناں نے اج جموں غا ریک اپارک مانہہ جدید سہولیات تیں آراستہ اکو ویسٹا میوزیم گو افتتاح کیو۔ یوہ میوزیم جموں کشمیر غا جنگلات غو خزانو پیش کرے جس مانہہ بیج لکڑی غا کراس سیکشن ہنر وسترکاری تے نایاب ہتھراں گا نمومہ شامل ہیں۔یوہ میوزیم دلچسپ تے انٹر ایکٹیو طریقہ تیں علاقہ گا حیاتیاتی تنوع تے ارضیاتی تاریخ نانہہ سے جناب رانا نے اس قدم نانہہ قدرت تیں جرن تے تحفظ غی ترغیب دین غو ایک بامعنی کوشش قرار دتو ہے انہاں نے اُمید ظاہر کی کہ یوہ میوزیم لوکاں مانہہ ماحول تیں محبت تے اس نانہہ محفوظ رکھن غو جزیو پیدا کرے غو۔

BAISAKHI MELAS

جموں کی خوبصورت دریا توی غے کنارے ۳۱ اپریل نانہہ عظیم توی آرتی تے بیساکھی غو میلو منعقد ہونجارہیو ہے جس مانہہ عقیدت موسیقی ت یثقافتی پروگراماں غو رنگا رنگ میلو دیکھن نانہہ لبے غو۔ اسے دوران جیو پوٹا گاٹ اکھنور مانہہ وی اپلک شام ساڈہ پنچ بجے تیں بھساکھی غو جشن منایو جے غو۔اس موقع ور آرتی لوک گیت روایتی رقص تے ثقافتی سرگرمی پیش کی جیں گی۔ جہیڑا اس خطہ غا عظیم ورثہ غی نمائندگی کرے عوام تیں گزارش ہے جے ان تقریبات مانہہ شرکت کریں تے بیساکھی غی خوشیاں عقیدت تے موسیقی نال مناویں۔

TRAFFIC SUSPENDED

کشتواڑ پاڈر سڑک ور اج تیں روزانہ سویرے ۰۱ بجے توں چوپہر توڑی گڈیاں گی آمدرفت معطل رہ گی۔ کیو جے پتھر ناکی گے کول اس سڑک ور سنگراہ نالہ ور تعمیراتی کم چل رہیو ہے حکام نے عارضی طور ور گڈیاں گی آمدرفت ور پابندی ۹ گو اعلان مسافراں گی حفاظت تے تعمیراتی کم گی پیش رفت ناں تعاون دین گی خاطر کیو ہے۔ مسافراں ناں مشورو دتو گیو ہے جے وے اس اعلان گے مطابق اپنا سفر گی منصوبہ بندی کریں تے مقامی انتظامیہ ناں تعاون دیں یاہ پابندی اُس ویلے توڑی جاری رہ گی جد توڑی تعمیراتی کم ختم نہ وے گو سڑک گاتعمیراتی کم بارے لوکاں ناہے باقاعدگی اطلاع دتی جاتی رہ گی تانجے لوکاں ناں کہٹوں کہٹ پریشانی وے۔

NASHA MUKT BHARAT

نشہ مُکت بھارت مہم غے تحت مشیات تیں پاک سماج ناں بابدو دین گی خاطر ضلع سانہ گا ۵۱ مقامات ور والی بال میچاں گی اک سیریز گو اہتمام کیو گیو۔ اس پہل گو افتتاح ڈی سی سانہ راجیش شرما نے وجے پور ماں گورنمنٹ مڈل سکول گڈوال ماں کیو۔ یاہ سیریز ضلع انتظامیہ نے سماجی بہبود تے یوتھ سروسز اینڈ سپورٹس محکماں نال مل گے منعقد کی۔ اس تقریب کھیڈاں ناں بیداری سیشن پمفلٹ تقسیم کرن تے راغب کرن آلی گل بات سنگ جوڑیو گیو۔ اس موقعہ ور موجود لوکاں نے منشیات تیں پاک بھارت ناں تعاون دین غو عہد کیو۔ ڈی سی سانہ راجیش شرما نے آکاش وانی سنگ گل کرتا واں اس طرح کہیو۔

CRICKET TOURNAMENT

سپورٹس اسٹڈیم پونچھ ماں جاری شہید منجیت سنگھ میموریل ٹی ٹونٹی کرکٹ ٹورنامینٹ اختتام پزیر ہوگئی جس ماں نوجواناں نے بڈھ چڑھ غے حصو لیو تے کھیڈاں بارے اپنا جزیہ گو اظہار کیو ڈی ایس پی شہید منجیت سنگھ نے ۳۰۰۲ ماں شہادت گو اعزاز حاصل کیو تھو تے ان کی عظیم قربانی کی یاد ماں یاہ کرکٹ ٹورنامینٹ منعقد کی جائے اس ٹورنامینٹ ماں ضلع پونچھ کی کل ۲۳ کرکٹ ٹیمماں نے حصو لیو۔ ڈی سی پونچھ وکاس کُندل تے ایس ایس پی پونچھ شفقت حسین نے تورنامینٹ منعقد کرن کی تعریف کی تے جتن آلا اور ہارن آلاں ماں ٹرافی اسناد تے نقدی انعامات بنڈیا۔
